

Rapport dalla sessiun dil cussegl da vischnaunca dils 13-11-2017

Tractanda 1

Approbaziun dil protocol dalla sessiun dils 21-08-2017

Il protocol dalla sessiun dils 21 d'uost 2017 vegn approbaus en votaziun unanima cun engraziament.

Tractanda 2

Informaziun davart il project „parcadi e tualettas publicas visavi la Cuort Ligia Grischa”

Cunquei che la via Principala vegn spustada naven dalla Cuort Ligia Grischa 2 meters encunter engiu ha la suprastonza communal fatg patratgs davart sanar e renovar il parcadi da vischnaunca che sesanfla visavi. Igl inschignier ei vegnius incaricaus da luvrar ora in project cun integrar tualettas publicas e mologs enstagl dalla casa da rumians. La suprastonza communal ha decidiu da realisar il project e da preventivar ina summa da frs. 800'000.- persunter. Igl inschignier Iso Mazzetta presenta il project a cusseglieras ed a cussegliers e dat risposta allas damondas.

Tractanda 3

Preventiv 2018

President communal Dumeni Tomaschett declara ch'il preventiv dil quen da gudogn e sperdita 2018 siari cun in pign deficit da frs. 14'908.- sunter haver fatg tier la facultad administrativa amortisaziuns ordinaras en l'altezia da frs. 102'000.-, remess en finanziaziuns specialas frs. 79'300.- e retratg ord finanziaziuns specialas frs. 10'000.-. Il mudest gudogn avon amortisaziuns munta à frs. 156'392.-.

La canzlista communal presenta il preventiv en detagl.

Las impurtontas posiziuns el preventiv d'investiziuns secumponan ord:

6150.5010.00	Sanaziun via Principala	frs.	272'000.00
6150.5010.90	Sanaziun illuminaziun publica	frs.	77'000.00
6150.5010.99	Sanaziun diversas vias communalas	frs.	200'000.00
6150.5030.00	Parcadi visavi Cuort Ligia Grischa	frs.	800'000.00
7201.5032.00	Sanaziun canalisaziun communal	frs.	220'000.00
8205.5010.00	Via Munt	frs.	1'000'000.00

Il cussegl decida cun 12 : 0 vuschs da proponer per mauns dalla radunonza da vischnaunca d'approbar:

- **il preventiv dil quen da gudogn e sperdita che siara cun expensas da frs. 7'057'250.- ed entradas da frs. 7'042'342.-, pia cun in deficit da frs. 14'908.-.**
- **il preventiv dil quen d'investiziuns che siara tier expensas da frs. 2'719'000.- ed entradas da frs. 1'195'000.- cun in surpli d'expensas da frs. 1'524'000.-**

Tractanda 4

Fixaziun dil pei da taglia per iql onn 2018

La suprastanza communal e la cumissiun da gestiun han examinau ils fatgs ed ein digl avis da restar per iql onn 2018 sin in pei da taglia da 105%.

Il cussegl propona cun 12 : 0 vuschs per mauns dalla radunonza da vischnaunca da fixar la taglia communal per iql onn 2018 sin 105% dalla taglia cantunala sempl.

Tractanda 5

Verificaziun dils resultats dallas elecziuns communalas dils 24-09-2017

Cusseglia **Rafael Guldumann** declara che Flurin Decurtins ed el hagien sco commembers dalla cumissiun per verificaziun da votaziuns controllau ils resultats dallas elecziuns communalas dils 24 da settember 2017 ed anflau tut en uorden. En num dalla cumissiun propona Rafael Guldumann da verificar ils resultats publicai.

En votaziun unanima verifichescha il cussegl ils resultats publicai dalla elecziun communal dils 24-09-2017.

Tractanda 6

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Donat Albin

L'actuara
Sandra Gautschi